

## *Susvelhança de la situacion sociolinguistica*

Dins l'encastre de sas activitats de susvelhança de la situacion sociolinguistica de la lenga catalana, la Seccion Filologica gaudís de la collaboracion d'una filiala especializada dins aquel domeni, la Societat Catalana de Sociolinguistica, e mai particularament del ret CRUSCAT (Coneissenças, representacions e usatges del catalan).

E mai aja una relacion particulara amb la Seccion Filologica, aquel organisme creat lo 14 d'octòbre de 2003 es constituït dels representants de totas las seccions de l'Institut d'Estudis Catalans. Es un ret scientific dependent de l'IEC que recampa diversès laboratòris e grops de recèrca treballant sus la situacion sociolinguistica e son evolucion.

Los usatges, las coneissenças e las representacions de la lenga constituïsson son principal objècte d'estudi.

Los trabalhs que menan lo ret CRUSCAT son los següents:

- Amassar tota l'informacion existenta e l'analisar de faïçon critica.
- Elaborar de critèris que faciliten una avaloracion consensuala de la situacion sociolinguistica e de las perspectives a tèrme cort e mejan.
- Destriar los factors determinants de l'evolucio de la comunautat linguistica catalana.
- Generar de sinergias demest los especialistas qu'estúdián l'usatge de la lenga.



Institut d'Estudis Catalans  
Carrer del Carme, 47  
08001 Barcelona  
Telefòn: +34 932 701 620  
Fax: +34 932 701 180  
Web: <http://www.iec.cat>  
E-mail: [sf@iec.cat](mailto:sf@iec.cat)

Las activitats del Centenari  
recebon lo sosten de



Institut  
d'Estudis  
Catalans

Per per Quadrat

# La Secció Filològica

*version occitana*

**Centanys**  
**19112011**

*l'any de la paraula viva*

## La Seccion Filologica

Es una de las cinc seccions actualas de l'Institut d'Estudis Catalans (IEC). Foguèt creada al meteis temps que la Seccion de las Sciéncias en 1911, e assegura dempuèi la foncion d'acadèmia de la lenga catalana que l'Institut n'a la carga.

La composicion iniciala de la Seccion Filologica compreniá los dos grands linguistas de l'epòca: Antoni M. Alcover, que ne foguèt lo primièr president, e Pompeu Fabra, que venguèt lo principal codificador de la lenga catalana. A lor costat figuravan tres grands escrivans, de generacions e de tendéncias diversas: Àngel Guimerà, Joan Maragall e Josep Carner, que foguèt secretari de la Seccion. Enfin un ellenista —Lluís Segalà— e un especialista dels estudis biblics —Frederic Clascar—.

- Conformament a l'article 3 dels Estatuts de l'IEC, la Seccion possedís tres linhas d'accion principalas:
- L'elaboracion de las nòrmas linguisticas.
- La recèrca e l'estudi scientific de la lenga.
- La susvelhança dels procèsses de normalizacion dins l'ensemble de las tèrras de lenga e cultura catalanas.

## Organizacion e foncions normativas

La Seccion se compausa d'un maximum de vint-e-uèch membres —que venon emerits a l'atge de setanta ans— e de trenta membres correspondents que representan diferents domenis d'especializacion e mai totes los territòris de lenga catalana, amb los grups de recèrca mai importants per l'estudi de la lenga e de la literatura catalanas al nivèl internacional.

Per menar a tèrme sos prètzfaches, l'estructura intèrna de la Seccion Filologica se despartís en comissions e burèus, que ne vaquí qualques exemples. Aqueles s'ocupan mai especificament de prètzfaches de caractèr normatiu:

- La Comission de Lexicografia, que gaudís del sosten dels Servicis Lexicografics, s'ocupa de la mesa al jorn del *Diccionari de la lenga catalana* (Diccionari de la lenga catalana).
- La Comission de Gramatica, amb l'ajuda dels tecnicians del Burèu de Gramatica, acaba a l'ora d'ara la novèla *Gramàtica de la lenga catalana* (Gramatica de la lenga catalana).
- La Comission d'Onomastica, que dispausa d'un Serviçi d'Onomastica, a elaborat amb la Comission de Toponimia lo *Nomenclàtor oficial de toponímia major de Catalunya* (Nomenclatura oficiala de toponímia de Catalonha).
- La Comission del Catalan Estandard es cargada de la *Proposta d'estàndard oral* (Proposicion per un estàndard oral).
- La Comission de Transcripcion e de Transliteracion establís los critèris d'adaptacion a nòstre alfabet dels noms pròpris d'autres sistèmas d'escritura.
- La Comission de Publicacions selecciona e gerís los trabalhs editats per la Seccion.
- Lo Serviçi d'Assisténcia Linguistica gerís las consultacions tocant la lenga, dins l'encastre del sistèma integrat de consultacions en linha Optimot, amb lo sosten de la Generalitat de Catalunya —lo Govèrn de Catalonha—.

De la meteissa faïçon, la Seccion Filologica aperten al grop del centre de terminologia TERMCAT, que son Conselh de susvelhança es presidit per un dels membres de la Seccion.

Darrièrament, coma consequéncia de l'aprobacion en 2010 pel Parlament de Catalonha de la Lei sus la lenga dels signes catalana (LSC), que n'an fisada la responsabilitat en matèria de normalizacion a l'IEC, la Seccion a lançat un projècte de recèrca e de codificacion d'aquela lenga.

## Activitats de recèrca

Coma las autras seccions de l'IEC, la Seccion Filologica pòrta de nombroses projèctes de recèrca, sovent en col·laboracion amb d'universitats e de laboratòris de recèrca. N'i a que son de granda envergadura:

- *Atles lingüistic del domini català* (Atlàs linguistic del domeni catalan), dirigit per Joan Veny e Lúdia Pons.
- *Corpus textual informatizat de la lenga catalana* (Còrpus textual informatizat de la lenga catalana) e *Diccionari descriptiu de la lenga catalana* (Diccionari descriptiu de la lenga catalana), dirigits per Joaquim Rafel.
- *Corpus e Gramàtica del català antic* (Còrpus e Gramatica del catalan ancian), dirigits per Josep Martines e Manuel Pérez Saldanya.
- *Observatori de la Neologia* (Observatòri de la neologia), dirigit per M. Teresa Cabré.
- *Vocabulari medieval de Lluís Faraudo* (Vocabulari medieval de Lluís Faraudo) e *Refranyer Aguiló* (Recuèlh de provèrbis Aguiló), dirigits per Germà Colón.

Los trabalhs de recèrca ligats a la Seccion donan luòc a de nombrosas publicacions, detalhadas dins lo catalòg de l'IEC, que ne podèm soslinhar l'edicion de las *Obres completes de Pompeu Fabra* (Òbras completas de Pompeu Fabra), resultat del projècte dirigit per Joan Solà e Jordi Mir, e la revista *Estudis Romànics* (Estudis romànics), dirigit per Antoni M. Badia i Margarit e Joan Veny.

La Seccion Filologica compren quatre filialas que menan d'activitats de recèrca e de vulgarizacion dins lors domenis d'especializacion respectius: la Societat Catalana d'Estudis Classics, la Societat Catalana de Lenga e Literatura, la Societat Catalana de Terminologia e la Societat Catalana de Sociolingüistica.